



**H**Vldricus ille filius fuit pistoris ex oppido Sueviæ Vuangen oriundus. Is singulari animi industria, naturali prudentia, ac mira in rebus agendis dexteritate erat præditus. Itaq; à parentibus ad monasteriũ S. Galli missus, ut ibi inter Monachos sibi nomen aliquod compararet. Verùm eo tempore schola illa antiquitus celeberrima (sicut & in alijs monasterijs) ferè conciderat, atq; literarum studia tantum apud Vniuersitates & Academias florebant. Nam Monachi & sacerdotum collegia potissimum tum curare ceperant, qua ratione ditescerent atq; redditus suos auerent. Itaque optimi quicq; authores turribus & Bibliothecis in-

cludi cum pulueribus & cineribus concertabant, atq; in eorum locum librarium, sanctorum legendæ, & aniles fabulæ, cum inutilibus quæstionibus successerant. Quod si enim hic Vldricus in superiora tempora incidisset, proculdubio ob ingenij acrimoniam in urũ doctissimum euasisset. Is ergo animum ad huius Monasterij opes & potentiam augendam appulit. Nam Casparo abbate adhuc uiuente rerum ciuiliũ procuratio ei commissa fuit, anno 1458. Ut autem commodius ubiq; suum ius persequeretur, pagos aliquot Heluetiorũ nimirum Tigurinos, Lucernanos, Suiterises, & Glareanos orauit, ut se commendatum haberent, atq; in suam tutelam reciperent, quo Monasterij prouentus, qui attenuati essent, passim recipere posset. Id quod ipsi petenti promiserunt.